



**UTM**  
UNIVERSITI TEKNOLOGI MALAYSIA

---

**FAKULTI KOMPUTERAN**

**SEMESTER 1 2023/2024**

---

**ULRS1032- KURSUS INTEGRITI DAN ANTI-RASUAH**

**SECTION 12**

**KES KAJIAN MENGENAI INTEGRITI DAN RASUAH**

**PENSYARAH: DR. OTHMAN BIN ZAINON**

**KUMPULAN 8**

<b>NAMA AHLI KUMPULAN</b>	<b>NOMBOR MATRIK</b>
<b>BERNICE LOU MIN YUN</b>	<b>A23CS0056</b>
<b>EVELYN GOH YUAN QI</b>	<b>A23CS0222</b>
<b>LAU YEE WEN</b>	<b>A23CS0099</b>

## ISI KANDUNGAN

<b>Pendahuluan.....</b>	<b>3</b>
<b>Kajian Literatur.....</b>	<b>6</b>
<b>Metodologi .....</b>	<b>7</b>
<b>Dapatan dan Perbincangan.....</b>	<b>8</b>
<b>Kesimpulan dan Cadangan .....</b>	<b>11</b>
<b>Rujukan .....</b>	<b>12</b>

## **TOPIK: KEBANJIRAN WARGA ASING**

### **Pendahuluan**

#### **i) LATAR BELAKANG**

Peningkatan jumlah pendatang asing tanpa izin (PATI) menjadi masalah serius di Seremban Nilai. Dalam operasi terbaru yang dilakukan oleh Jabatan Imigresen Malaysia (JIM), sebanyak 216 PATI dan 11 kanak-kanak telah ditahan. Mereka berasal dari pelbagai negara seperti Myanmar, Bangladesh, Indonesia, Nepal, dan lain-lain.

Kawasan tersebut dikenali sebagai destinasi bagi mereka yang mencari peluang pekerjaan dan kehidupan yang lebih baik. Walau bagaimanapun, kehadiran mereka secara tidak sah menimbulkan kebimbangan terhadap keselamatan serta menyuburkan ekonomi gelap.

Operasi penguatkuasaan imigresen menekankan keperluan untuk pengawasan yang lebih ketat. Operasi yang melibatkan pemeriksaan terhadap hampir 1,600 warga asing di kedai-kedai dan perniagaan menggaris panduan keperluan untuk mengambil tindakan serius dalam menangani masalah ini. Penekanan terhadap pengawasan yang lebih ketat dan penguatkuasaan undang-undang imigresen adalah penting bagi menjaga keselamatan komuniti tempatan serta menegakkan peraturan negara.

#### **ii) KRONOLOGI ISU**

Masalah pendatang asing tanpa izin (PATI) yang tiba di Seremban Nilai bermula dengan faktor pendorong awal, yang mungkin berpunca daripada ketidakstabilan politik, konflik atau keadaan ekonomi yang sukar di negara asal PATI. Situasi ini mendorong mereka mencari perlindungan atau peluang pekerjaan baru di luar negara. Dengan ketibaan pertama, PATI mungkin terpaud dengan peluang pekerjaan atau kehidupan sosial yang telah dibangunkan dalam komuniti yang sedia ada di Nilai. Selepas penyesuaian, mungkin terdapat peningkatan

dalam imigresen kerana Nilai dikenali sebagai kawasan peluang ekonomi, Nilai menarik lebih ramai orang mencari kehidupan yang lebih baik.

Sebagai tindak balas kepada situasi ini, pihak berkuasa mungkin mengambil tindakan untuk memulakan operasi penguatkuasaan imigresen untuk menangani masalah pendatang tanpa izin secara proaktif. Tindak balas masyarakat tempatan juga penting dalam menangani isu tersebut secara menyeluruh, memberikan sokongan dan kerjasama kepada pihak berkuasa untuk mengurus dan menangani isu kemasukan tidak sah dengan lebih berkesan bagi memastikan keselamatan dan kesejahteraan masyarakat setempat serta pematuhan kepada undang-undang imigresen sedia ada.

### **iii) INSIDEN KRITIKAL**

Kejadian ini menyentuh aspek sensitif masyarakat dan pihak berkuasa, terutamanya dalam hal penjagaan dan perlindungan terhadap kanak-kanak yang terlibat. Ini membuka ruang untuk perbincangan mendalam tentang strategi yang lebih komprehensif dalam menangani masalah kehadiran pendatang asing tanpa izin, yang turut memberi tekanan kepada kepentingan kerjasama antara pihak berkuasa, masyarakat tempatan, dan pertimbangan terhadap hak asasi manusia.

Penahanan ini juga menggambarkan permasalahan yang kompleks, terutamanya kerana warga asing tersebut berasal dari pelbagai negara seperti Myanmar, Bangladesh, Indonesia, Nepal, dan India. Insiden ini menunjukkan kepelbagaian pendatang yang masuk secara tidak sah ke dalam kawasan tersebut, menyoroti kerumitan tugas pengawasan bagi pihak berkuasa.

Oleh itu, kejadian ini mendorong refleksi mendalam dalam masyarakat dan pihak berkuasa mengenai perluasan pengetahuan tentang masalah ini dan tindakan yang diperlukan bagi menangani dengan lebih efektif. Lebih daripada sekadar tindakan tangkapan, ia mendorong pemikiran dan tindakan berterusan dalam menyusun strategi yang lebih holistik dalam menangani isu kehadiran pendatang asing tanpa izin, demi keselamatan dan kesejahteraan komuniti serta pematuhan terhadap undang-undang imigresen yang sedia ada.

#### **iv)OBJEKTIF**

Objektif kajian kes yang berkaitan dengan isu banjir warga asing di Nilai, Seremban, adalah untuk menggali dan menganalisis secara menyeluruh latar belakang serta impak kedatangan warga asing secara tidak sah ke kawasan tersebut. Kajian ini bertujuan untuk memahami profil kedatangan, sebab-sebab peningkatan jumlah pendatang warga asing secara tidak sah, serta memahami kesan terhadap komuniti tempatan dari aspek sosial, ekonomi, dan keselamatan.

Objektifnya juga termasuk menilai keberkesanan langkah-langkah penguatkuasaan imigresen yang telah diambil oleh pihak berkuasa, serta menyediakan cadangan strategik bagi mengurangkan jumlah dan mengawal banjir warga asing tanpa izin di kawasan ini. Kajian ini diharapkan dapat memberikan pandangan yang jelas dan penyelesaian yang praktikal dalam menangani masalah yang dihadapi oleh komuniti tempatan akibat kehadiran besar-besaran memasukkan warga asing tanpa izin di Nilai, Seremban.

## **Kajian Literatur**

### **Konsep-konsep integrity dan rasuah**

Integriti secara umumnya bermaksud kualiti unggul yang wujud di kalangan individu dan kualiti ini berteraskan kepada prinsip berpegang teguh kepada kejujuran dan amalan bermoral tinggi. Dengan berpegang teguh kepada prinsip integriti, negara kita dapat melahirkan generasi dan pemimpin yang jujur, beretika serta memiliki nilai-nilai keagamaan yang kukuh.

Rasuah adalah tindakan tidak jujur atau penipuan oleh mereka yang berkuasa. Rasuah menawarkan, memberi atau menerima suapan sebagai upah atau dorongan untuk seseorang individu kerana melakukan atau tidak melakukan sesuatu perbuatan yang berkaitan dengan tugas rasmi. Suapan terdiri daripada wang, hadiah, bonus, undi, perkhidmatan, jawatan, upah, diskaun.

Rasuah berkait rapat dengan integriti, kita perlulah bertekad dan bekerja keras membanteras rasuah dengan membudayakan integriti yang tinggi dalam kalangan agensi dan individu, sama ada dalam perkhidmatan awam atau swasta.

### **Perbandingan isu integriti dan rasuah dalam konteks negara dan global**

Dalam konteks negara, isu integriti berkaitan dengan tingkah laku dan integriti pemimpin dalam melaksanakan tugas dan tanggungjawab mereka. Rasuah di peringkat institusi negara, terutamanya di sektor awam, boleh merosakkan kepercayaan rakyat terhadap kerajaan. Contohnya, bekas Pengerusi Lembaga Penasihat 1MDB, bekas Menteri Kewangan dan bekas Perdana Menteri iaitu Dato' Seri Mohd Najib Bin Abdul Razak telah disyaki kerana menyalahgunakan kedudukannya sebagai Pengerusi Lembaga Penasihat 1MDB, Menteri Kewangan dan Perdana Menteri dengan memberikan arahan dan kelulusan terhadap pelaburan serta pinjaman yang dibuat oleh 1MDB.

Dalam konteks global, isu integriti dapat menjadi punca penting dalam hubungan antarabangsa, khususnya dalam perdagangan dan diplomasi. Selain itu, kerjasama antarabangsa diperlukan untuk memerangi rasuah lintas sempadan, termasuk perkongsian maklumat dan tindakan bersama. Negara kita telah meningkatkan dan memperkukuhkan kerjasama dua hala dengan negara lain. Sebagai contoh, kerjasama Dua Hala SPRM ialah Biro Mencegah Rasuah (BMR), Negara Brunei Darussalam, Corrupt Practice Investigation Bureau (CPIB), Singapore dan Government Inspectorate of Vietnam (GIV). Kedua-dua pihak akan bersepakat dalam mempertingkatkan hubungan dan kerjasama dua hala ke tahap yang lebih tinggi.

## Metodologi

Dalam kajian kes, metodologi adalah rancangan yang sistematik dan terperinci tentang bagaimana penyelidikan akan dijalankan. Ia mengandungi pendekatan keseluruhan, kaedah pengumpulan data, teknik analisis data, dan sebab membuat pilihan ini. Metodologi adalah penting untuk memastikan kebolehpercayaan dan kesahihan dapatan kajian kes. Berikut adalah elemen utama yang biasanya disertakan dalam metodologi bahagian kajian kes:

### Pemilihan Kes:

Kumpulan kami memilih kes yang mewakili variasi dan corak kedatangan warga asing di Nilai. Ini membolehkan pemahaman yang mendalam tentang corak kedatangan, motivasi, dan impak kepada komuniti setempat.

### Kaedah Pengumpulan Data:

Untuk mengumpul maklumat tentang kes itu, kami mencari banyak rujukan seperti berita dan artikel dalam talian untuk mengesahkan penemuan kami. Pada masa yang sama, kami juga menjalankan tinjauan melalui borang soal selidik untuk kumpulkan maklum balas tentang kajian kes. Melalui soal selidik, kami memperoleh 30 pendapat responden tentang punca, kesan kejadian tersebut dan juga langkah yang boleh diambil untuk menyelesaikan kejadian tersebut.

### Analisis data:

Selepas kami memperoleh jawapan daripada berbilang responden melalui borang soal selidik, kami menukar keputusan ke dalam carta pai dan graf bar untuk meringkaskan dan menggambarkan keputusan dalam bentuk yang lebih mudah supaya kita boleh lihat hasilnya dengan jelas.

## **Dapatan dan Perbincangan**

### **i. Punca-punca menyebabkan warga asing datang ke Nilai, Seremban**

Permintaan buruh asing yang tinggi di Malaysia telah meningkatkan jumlah pendatang asing ke negara kita. Di Nilai Seremban, perkembangan sektor pertanian, perindustrian dan pembinaan memerlukan buruh yang ramai. Hal ini disebabkan oleh penduduk tempatan yang mempunyai sikap memilih kerja dan ingin mencari pekerjaan yang menawarkan pendapatan yang lumayan, selesa dan tidak bahaya. Oleh itu, pihak majikan terpaksa serta mengambil kesempatan ini untuk mengambil pekerja asing dengan kadar upah yang rendah sambil menjimatkan kos operasi mereka. Berdasarkan soal selidik yang telah dijalankan, sebanyak 30% responden memilih sangat setuju dan 70% responden memilih setuju dengan punca permintaan buruh asing yang tinggi.

Selain itu, kestabilan politik negara turut menyebabkan kemasukan pendatang asing ke Nilai, Seremban. Hal ini dikatakan demikian kerana demonstrasi jarang berlaku. Selanjutnya, negara kita juga tidak ada sebarang peperangan yang boleh mengancam keselamatan pekerja asing. Jadi, mereka tertarik untuk bekerja di Nilai kerana kesejahteraan dan keselamatan mereka terjamin. Menurut soal selidik yang telah dijalankan, punca kestabilan politik negara mempunyai sebanyak 43.3% responden memilih sangat setuju, 53.3% responden memilih setuju dan 3.3% responden memilih tidak pasti.

Punca yang seterusnya ialah kemiskinan dan pengangguran di negara asal pendatang asing. Banyak warga asing terpaksa bekerja di Nilai sebagai jalan keluar dari situasi ekonomi yang sukar di negara asal, contohnya peluang pekerjaan mungkin terhad dan upah yang ditawarkan tidak mencukupi untuk menyara kehidupan mereka. Maka, pekerja asing rela bekerja apa sahaja dan tidak kira kadar upah yang dibayar kerana mereka tidak mempunyai pekerjaan di negara asal mereka. Bukan itu sahaja, mereka juga mengambil peluang ini untuk mengumpulkan wang yang sebanyak mungkin untuk menyara kehidupan keluarga mereka di negara asal. Punca kemiskinan dan pengangguran di negara asal pendatang asing mempunyai sebanyak 40% responden memilih sangat setuju dan 60% responden memilih setuju melalui soal selidik yang telah dijalankan.

### **ii. Kesan-kesan yang dibawa oleh kebanjiran warga asing di Nilai, Seremban**

Salah satu kesan kebanjiran warga asing ialah meningkatkan masalah sosial di Nilai. Ada antara pendatang asing tanpa izin merupakan penjenayah dan melarikan diri ke Malaysia supaya terlepas daripada serbuan pihak berkuasa negara asal mereka. Golongan ini akan mengancam keselamatan masyarakat setempat. Tambahan pula, pendatang asing yang gagal mendapat pekerjaan di Nilai turut menyumbang kepada peningkatan kes kecurian di Nilai. Ini



kerana kehidupan mereka yang semakin susah ataupun mereka ingin mencari wang yang mudah. Berdasarkan Sinar Harian pada 20 Disember 2018, polis telah menahan seorang warga asing dari Indonesia yang terlibat dalam kes pecah rumah di Nilai dan menemui beberapa barangan bernilai RM 20 000. (Sumber: <https://www.sinarharian.com.my/article/3277/berita/jenayah/polis-tahan-warga-asing-terlibat-kes-pecah-rumah-di-nilai>) Melalui soal selidik yang telah dijalankan, sebanyak 46.7% responden memilih sangat setuju dan 53.3% responden memilih setuju dengan kesan peningkatan masalah sosial.

Seterusnya, banjir warga asing akan menyebabkan peluang pekerjaan kepada penduduk tempatan tersekat. Hal ini demikian kerana kebanyakan majikan cenderung mengupah pekerja asing berbanding dengan pekerja tempatan yang disebabkan kos untuk mengupah pekerja asing yang lebih murah. Oleh yang demikian, ramai pekerja tempatan menjadi penganggur terutamanya golongan muda. Hal ini pasti akan menjejaskan pertumbuhan ekonomi tempatan pada masa akan datang. Kesan peningkatan kadar pengangguran rakyat tempatan mempunyai sebanyak 46.7% responden memilih sangat setuju, 50% responden memilih setuju dan 3.3% responden memilih tidak pasti dalam soal selidik yang telah dijalankan.

Di samping itu, kes rasuah turut meningkat akibat kemasukan pendatang asing. Hal ini dikatakan begitu kerana pegawai Jabatan Imigresen Malaysia (JIM) di Seremban, menerima rasuah daripada ejen-ejen sindiket sebagai balasan membenarkan warga asing di bawah kendalian ejen yang telah tamat tempoh passport atau tanpa dokumen perjalanan yang sah di Malaysia untuk keluar masuk Malaysia. Sebagai contoh, pada 16 sehingga 30 November 2020, seramai 66 individu yang terdiri daripada 39 pegawai JIM, 17 ejen sindiket dan 10 orang awam telah ditahan.

(Sumber: [https://www.sprm.gov.my/index.php?id=21&page\\_id=103&contentid=2871&cat=TOC](https://www.sprm.gov.my/index.php?id=21&page_id=103&contentid=2871&cat=TOC)) Hal ini mengakibatkan imej negara di mata dunia terjejas. Berdasarkan soal selidik yang telah dijalankan, kesan peningkatan kes rasuah mempunyai sebanyak 40% responden memilih sangat setuju, 46.7% responden memilih setuju dan 13.3% responden memilih tidak pasti.

### **iii. Langkah-langkah untuk menyelesaikan masalah banjir warga asing**

Penguatkuasaan undang-undang merupakan langkah yang penting untuk mengawal kemasukan pendatang asing tanpa izin. Pihak berkuasa haruslah sentiasa mengawasi sindiket yang menguruskan kemasukan pendatang asing tanpa izin. Bukan itu sahaja, pihak kerajaan

bersama Suruhanjaya Pencegahan Rasuah Malaysia (SPRM) patut memastikan setiap anggota kerja kerajaan bersifat penuh integriti dalam menjalankan tugas dan terhindar daripada terlibat dalam gejala rasuah. Mereka yang terlibat dalam kegiatan rasuah hendaklah dikenakan hukuman yang berat. Langkah penguatkuasaan undang-undang mempunyai sebanyak 33.3% responden memilih sangat setuju dan 66.7% responden memilih setuju melalui soal selidik yang telah dijalankan.

Selain itu, pihak majikan hendaklah mengehadkan kebergantungan kepada buruh asing. Pengambilan pekerja asing dalam sektor-sektor tertentu haruslah mengikut prosedur yang telah ditetapkan oleh kerajaan. Jadi, pihak berkuasa dapat memantau pergerakan dan kehadiran warga asing di dalam negara kita. Dengan mengehadkan penyertaan pekerja asing dalam sektor tertentu, majikan boleh memberikan lebih banyak peluang pekerjaan kepada penduduk tempatan. Hal ini dapat mengurangkan tekanan terhadap pasaran pekerjaan tempatan dan menjamin kesejahteraan masyarakat tempatan. Berdasarkan soal selidik yang telah dijalankan, sebanyak 40% responden memilih sangat setuju dan 60% responden memilih setuju dengan langkah mengehadkan kebergantungan kepada buruh asing.

Tambahan pula, pemindahan teknologi haruslah digalakkan bagi menyelesaikan masalah kebanjiran warga asing. Pemindahan teknologi daripada sesebuah negara meliputi aspek-aspek kemahiran, kawalan kualiti, penggunaan peralatan modal dan bekalan mesin. Misalnya, pemindahan teknologi dapat berlaku melalui pembelian terus barangan model seperti membeli jentera, mesin dan peralatan dari negara-negara lain yang boleh meningkatkan produktiviti industri tempatan. Oleh itu, pemindahan teknologi dapat mengurangkan kebergantungan kepada tenaga manusia. Dengan ini, kebergantungan kepada buruh asing dalam sektor pertanian, perladangan dan perkilangan dapat dikurangkan. Menurut soal selidik yang telah dijalankan, langkah menggalakkan pemindahan teknologi mempunyai sebanyak 40% responden memilih sangat setuju, 40% responden memilih setuju, 16.7% responden memilih tidak pasti dan 3.3% responden memilih tidak setuju.

## **Kesimpulan dan Cadangan**

Kesimpulannya, peningkatan jumlah pendatang asing adalah disebabkan oleh faktor-faktor seperti permintaan buruh asing yang tinggi, kestabilan politik di negara kita, dan kemiskinan serta pengangguran di negara asal. Kesan daripada banjiriran warga asing di Nilai termasuk peningkatan masalah sosial, peluang pekerjaan tempatan yang tersekat, dan peningkatan kes rasuah. Masalah warga asing di Nilai, Seremban menimbulkan pelbagai isu yang memerlukan perhatian serius daripada pihak berkuasa dan masyarakat setempat. Dengan mengawal jumlah pendatang asing, terutama dari Myanmar, Bangladesh, Indonesia, Nepal, dan India, langkah-langkah perlu diambil untuk menangani akar masalah dan mengurangkan kesan negatifnya. Antara cadangannya adalah menguatkuasakan undang-undang, mengehadkan kebergantungan kepada buruh asing dan menggalakkan pemindahan teknologi. Kajian ini menunjukkan bahawa penyelesaian kepada masalah banjiriran warga asing di Nilai memerlukan pendekatan yang menyeluruh dan bersepadu. Dengan kerjasama semua pihak, termasuk kerajaan, sektor swasta, dan masyarakat tempatan, persekitaran yang lebih selamat, stabil, dan mampan bagi semua pihak yang terlibat dapat dicipta. Bukan itu sahaja, integriti merupakan unsur penting dalam menangani masalah banjiriran warga asing. Peningkatan kesedaran kepentingan integriti dalam sistem imigresen bukan hanya akan meningkatkan keberkesanan dalam pencegahan kemasukan buruh asing tanpa izin serta kes rasuah, tetapi juga akan memperkukuhkan kepercayaan masyarakat tempatan terhadap pihak berkuasa dan sistem imigresen secara keseluruhannya.

## Rujukan

Yusoff, N. H. (2019). Integriti Akademik Dalam Kalangan mahasiswa universiti kebangsaan Malaysia (UKM). *Malaysian Journal of Society and Space*, 15(4). doi:10.17576/geo-2019-1504-13

(N.d.). Retrieved from

[https://www.sprm.gov.my/index.php?id=21&page\\_id=103&contentid=2880&cat=TOC](https://www.sprm.gov.my/index.php?id=21&page_id=103&contentid=2880&cat=TOC)

[https://www.sprm.gov.my/index.php?id=21&page\\_id=103&contentid=2871&cat=TOC](https://www.sprm.gov.my/index.php?id=21&page_id=103&contentid=2871&cat=TOC)

<https://www.sinarharian.com.my/article/3277/berita/jenayah/polis-tahan-warga-asing-terlibat-kes-pecah-rumah-di-nilai>